



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

GIREIDI 12

TSHIVENDA LUAMBO LWA U ENGEDZA LWA U THOMA (FAL)

BAMMBIRI LA VHUVHILI (P2)

LARA 2011

MARAGA: 70

TSHIFHINGA: awara 2

Bammbiri ili li na masiatari a 18.

PFESESANI

Vhalani siatari heli nga vhuronwane ni sa athu u fhindula mbudziso:

1. Ni songo lingedza u vhala bammbiri lothe. Tolani thebulu ya zwi re ngomu kha siatari li tevhelaho ni swaye nomboro dzo disendekaho kha bugu dze na guda nwaha uno. Nga murahu, vhalani mbudziso idzi uri ni kone u nanga dzine na tama u fhindula.

2. Bammbiri heli lo vhumbwa nga khethekanyo NNA:

KHETHEKANYO YA A: Nganea	(35)
KHETHEKANYO YA B: Dirama	(35)
KHETHEKANYO YA C: Nganeapfufhi	(35)
KHETHEKANYO YA D: Vhurendi	(35)

3. Fhindulani MBUDZISO MBILI fhedzi, dzi tshi bva kha khethekanyo MBILI dze na nanga kha idzo khethekanyo nna.

KHETHEKANYO YA A: NGANEA

Fhindulani mbudziso NTHIHI kha nganea ye na guda.

KHETHEKANYO YA B: DIRAMA

Fhindulani mbudziso NTHIHI kha dirama ye na guda.

KHETHEKANYO YA C: NGANEAPFUFHI

Fhindulani mbudziso NTHIHI.

KHETHEKANYO YA D: VHURENDI

Fhindulani mbudziso MBILI.

Shumisani mutevhe wa u sedzulusa uri u ni thuse.

4. Tevhedzani ndaela dzo nwalwaho mathomoni a khethekanyo iñwe na inwe nga vhuronwane.

5. Nomborani phindulo dzanu nga ndila ye mbudziso dza nomborwa ngayo kha bammbiri la mbudziso.

6. Thomani khethekanyo iñwe na iñwe kha siatari LISWA.

7. Nwalani nga vhudele nahone zwi no vhalea.

8. Ndangatshifhinga yo anganyiwaho: Shumisani minetse i re henefha kha 60 kha khethekanyo iñwe na iñwe.

ZWI RE NGOMU

NOMBORO YA MBUDZISO	MBUDZISO	MARAGA
KHETHEKANYO YA A: NGANEA		
Fhindulani mbudziso NTHIHI INWE NA INWE.		
1. <i>U tshila ndi u vhona</i>	Mbudziso ndapfu	35
2. <i>U tshila ndi u vhona</i>	Mbudziso pfufhi	35
KHETHEKANYO YA B: DIRAMA		
Fhindulani mbudziso NTHIHI INWE NA INWE.		
3. <i>Findinkodo</i>	Mbudziso ndapfu	35
4. <i>Findinkodo</i>	Mbudziso pfufhi	35
KHETHEKANYO YA C: NGANEAPFUFHI		
Fhindulani mbudziso NTHIHI INWE NA INWE.		
5. <i>Ndi a putedza ha itea dembe</i>	Mbudziso ndapfu	35
6. <i>Ri nga kunda</i>	Mbudziso pfufhi	35
KHETHEKANYO YA D: VHURENDI		
Fhindulani mbudziso MBILI DZIINWE NA DZIINWE.		
7. <i>Vha songo niala</i>	Mbudziso pfufhi	17½
8. <i>Ro tangana</i>	Mbudziso pfufhi	17½
9. <i>Ho nengiwa: 17 Lambamai 1988</i>	Mbudziso pfufhi	17½
10. <i>A todaho munamba ndi nnyi</i>	Mbudziso pfufhi	17½

MUTEVHE WA U SEDZULUSA

KHETHEKANYO	NOMBORO YA MBUDZISO	TSHIVHALO TSHA MBUDZISO DZO FHINDULWAHO	✓
A: Nganea (Mbudziso ndapfu KANA pfufhi)	1–2	1	
B: Dirama (Mbudziso ndapfu KANA pfufhi)	3–4	1	
C: Nganeapfufhi (Mbudziso ndapfu KANA pfufhi)	5–6	1	
D: Vhurendi	7–10	2	
PFESESANI: Ivhani na vhutanzi uri no fhindula kha khethekanyo MBILI fhedzi.			

KHETHEKANYO YA A: NGANEA***U TSHILA NDI U VHONA – RN Mađadzhe***

Fhindulani mbudziso NTHIHI kha idzo dzi re afho fhasi.

MBUDZISO 1 (Mbudziso ndapfu)

Vhulapfu ha phindulo ya mbudziso ndapfu kha vhu vhe maipfi a u bva kha **250** u ya kha **300**.

Talutshedzani uri muniwali o kona u gumafhi u bvisela khagala puloto ya nganea iyi. [35]

MBUDZISO 2 (Mbudziso pfufhi)

Vhalani mafhundo a re afho fhasi uri ni kone u fhindula mbudziso dzi a tevhelaho:

Nga ngomu vhuongeloni uvhu, kha dziñwe dza dziofisi, hu wanala dokotela Mpho. Mpho u khou endela u t̄ola mabammbiri awe ane a amba nga ha malwadze o fhambanaho. Zwauri u dokotela a zwi vhuyi zwa hanga. U vhonala o ambara ludzhasi lutshena lune madokotela manzhi l̄ifhasini a anzela u lu ambara. Tshiñwe tshifhinga u nga wana Mpho o litsha u vhala mabammbiri aya, wa wana o sedza nthā, zwi dubaho mulomoni hu si na zwiñwe arali vhu si vhutsi. Vhunga muthada yo dzula kha tshidulo tshi tendaho u mona, u nga wana tshiñwe tshifhinga a tshi ri u dzunguluwa a dovha. Hu hone vhutshilo kha vhainwe li la maladze. Zwezwi a kha tshiimo itshi, ndi hune a anzela u vha a tshi khou humbula: "Ngoho vhutshilo vhu khou ndifhela. Ndi fhano a hu na tshine nda lila. Nn̄du yo nakaho ndo fhañga ngeno musadzi wa thase ndo mala. Ndi tshi tshimbila, zwiñoni zwi tou ita na u lidza miludzi ngeno vhatnu vha tshi wa nga magona. Hone, tshine tsha khou ita zwauri ñamusi ndi pfe ndi sa diphini, ndi uri musadzi wanga ndi vho mu vhona sa khaladzi. Ndi vho mu vhona sa khaladzi nga nthāni ha Maria. Muongi uyu a no pfi Maria o dinakela vha hashu. Ngavhe ndo vha ndi sa athu u vhingga, ndo vha ndi tshi do diphina khae, naho e na muthannga wawe. Ndi zwa vhukuma, t̄havhanyedza i la mbudzi, tsalela i la kholomo. Ndi fanela u vhamba maano a u wana hoyu Maria, huufha na ene a tshi nga u ya ntakalela!"

Zwezwi Mpho a tshi khou humbula nga u rali, hu pfala milenzhe ya muthu a tshimbilaho, o ambaraho zwienda. Muungo u itwaho nga izwi zwienda, u pfala u tshi da wa t̄hukuwa henefha muñangoni wa ofisi ya Mpho. Mpho a mbo di didzudzunya nga u t̄avhanya.

- 2.1 Topolani fhungo l̄ine la sumbedza uri Mpho u a huliswa nga vhatnu. (2)
- 2.2 Neani zwithu ZWIVHILI zwine Mpho a khou diphina ngazwo vhutshiloni hawé. (2)

- 2.3 Bulani dzina la muongi ane a khou tswa mbilu ya Mpho. (1)
- 2.4 Bulani dzina la muthannga wa Maria. (1)
- 2.5 Bulani dzina la fhethu hune Mpho a shuma hone. (1)
- 2.6 Bulani hune Mpho na Maria vha fana na u fhambana hone. (4)
- 2.7 Nweledzani muhumbulo muvhi une wa khou dalela Mpho. (2)
- 2.8 Ndi tshini tshine tsha vho ita uri Mpho a vhone musadzi wawe sa khaladzi. (1)
- 2.9 Ndi zwifhio zwine Maria a ita zwi bviselaho mvumbo yawe khagala? Bulani ZWIVHILI. (2)
- 2.10 Nangani ZWINA zwine na vhona zwi zwone kha mutevhe u tevhelaho:
- 2.10.1 Phophi o vha e mudedekadzi.
 - 2.10.2 Phophi ndi musadzi a fulufhedzeaho.
 - 2.10.3 Phophi o vha a tshi funa Mpho nga mbilu yawe yothe.
 - 2.10.4 Phophi o vha a tshi zwifha.
 - 2.10.5 Mpho o vha a si na goloi.
 - 2.10.6 Mashudu o vha e mabalane muvhusoni. (4)
- 2.11 Bulani masiandaitwa a lufuno lwa Mpho na Maria siani la mita. Bulani ZWINA. (4)
- 2.12 Mbudziso dzi tevhelaho dzi fhinduleni nga u ri **Ndi zwone** kana **A si zwone**, ni dovhe ni tikedze:
- 2.12.1 Ndatiso ndi khonani ya Mashudu. (2)
 - 2.12.2 Mashudu o vhulahwa nga Vho-Ravhutsi. (2)
- 2.13 Inwi ni vhona izwi zwe Maria a ita zwa u ambisa Mpho zwi tshi tendisea naa? Tikedzani. (2)
- 2.14 Vhudfari ha Mpho mushumoni na hayani ni vhona vhu tshi tanganedzea? Tikedzani. (3)
- 2.15 Ni a pfela vhutungu Mashudu kha zwe a lovhisa zwone naa? Tikedzani. (2)
- [35]

THANGANYELO YA KHETHEKANYO YA A: 35

KHETHEKANYO YA B: DIRAMA**FINDINKODO – TT Mudau**

Fhindulani mbudziso NTHIHI kha idzo dzi re afho fhasi.

MBUDZISO 3 (Mbudziso ndapfu)

Vhulapfu ha phindulo ya mbudziso ndapfu kha vhu vhe maipfi a u bva kha **250** u ya kha **300**.

Talutshedzani uri muñwali o kona u gumafhi u bvisela khagala puloto ya dirama iyi. [35]

MBUDZISO 4 (Mbudziso pfufhi)

Vhalani mafhungo a re afho fhasi uri ni kone u fhindula mbudziso dzi a tevhelaho:

Coetzee: (E ethe) Ula muloro wo fhela. Makomonisi o dzhia shango. (U mbo hoha fola lawe zwone zwone.) De Wit asuyu na mañata awe. U nga sa muthu a songo fhendaho saikholodzhi ya murema. Kha miñwaha ya mahumi maña yo fhiraho, lihoro lino lo kundwa nga u takula tshiimo tsha murema. Nthani ha zwenezwo, a re murema a tsikeledzwa o tsikeledzwa. Zwino murema o divhofholola, a re mutondovhedzi u ri kha murema, "Idai ndi u ise zwisimani zwa madi a difhaho." Tsilu ndi line la nga tenda hezwo.
(Hu pfala u ombo-omba)
Ndi nnyi zwino vhusiku honovhu? Matshelo ndi fanela u vhonana na De Wit. Ndi vhona u nga ...
(Hu pfala ipfi)
(U mbo isa ndevhe) Nga ngomu!
(Hu dzhena DeWit)

De Wit: A tho ngo dela manzhi.

Coetzee: Amba zwe wa dela zwone. (U a mu furalela)

De Wit: Khezwi u tshi sedza thungo?

Coetzee: Wo rengisa lushaka lwa mavhuru. Wo khakha zwinzhisa. Muafurikanere o ri vhea hafhalà e na ndivho.

De Wit: Coetzee, u khou kalaha.

Coetzee: Arali n̄e ndi tshi kalaha, iwe mathina u vha u tshi khou yafhi? Kani n̄e ndi tshi kalaha iwe u vha mutukana?

De Wit: Mphe kofi ndi nwe.

Coetzee: A hu na kofi ine mudzia u rengisa lushaka a do i nwa. Ngoho, kofi yanga a u nga i wani. Ipfa hafha, ita zwine wa ita, n̄e ndi khou bva tshothe kha polotiki. Ndi toda u awela.

De Wit: Mulandu?

Coetzee: A thi vhoni lihoro la lushaka li tshi do dovha la vha muvhuso. Zwine wa zwi humbula ndi muloro une wa sa do bvelela. Vharema a si zwidahela.

De Wit: Dzina la lihoro la lushaka li do dovha la riwalwa nga huswa buguni dza divhazwakale.

Coetzee: Muloro wavhu. Isani phanda. N̄e ndi yo dilela phentsheni dzanga burasini yanga hangei.

- 4.1 Bulani madzina mararu a vharangaphanda vha lihoro la lushaka. (3)
- 4.2 Talutshedzani fhethu na tshifhinga tshine aya mafhungo a khou bvelela ngatsho. (2)
- 4.3 Bulani mushumo une Coetzee a shuma won. (1)
- 4.4 Neani dzina la lihoro line la khou vhusa khathihi na murangaphanda walo. (2)
- 4.5 Neani miñwaha ye lihoro la lushaka la vhusa yone na zwe la kundelwa u zwi bveledza. (2)
- 4.6 Nwalani lushaka lune lwa pfi lwo rengiswa na we a lu rengisa. (2)
- 4.7 Vhambedzani zwine zwa fana vhukati ha De Wit na Coetzee. (2)
- 4.8 Talutshedzani zwe zwa ita uri Coetzee a ambe aya mafhungo. (2)
- 4.9 Sumbedzani masiandaitwa e a bveledzwa nga mulandu wa aya mafhungo. (2)
- 4.10 Talutshedzani muhumbulo muhulwane we wa ita uri Coetzee a ambe aya mafhungo. (2)

- 4.11 Mbudziso dzi tevhelaho dzi fhinduleni nga u ri **Ndi zwone** kana **A si zwone**, ni dovhe ni tikedze phindulo yañu:
- 4.11.1 Mavhuru vho ḥea murema mbopholowo. (2)
- 4.11.2 De Wit ndi ene o dalelaho Coetzee hayani hawe. (2)
- 4.11.3 Skosana o vha e murangaphanda wa lihoro ḥa lushaka. (2)
- 4.12 Kha mutevhe u tevhelaho inwi nwalani mafhungo MAVHILI a songo khakheaho:
- 4.12.1 De Wit u khou lwela u bva kha muvhuso wa mbuelano.
- 4.12.2 Skosana na Coetzee vho vha vha tshi thusana kha u lwa na muvhuso wa mbuelano.
- 4.12.3 Coetzee u ḥo ya u ḥilela phentsheni dzawe bulasini.
- 4.12.4 Muvhuso wa mbuelano wo katela Madimokirati na Makomonisi. (2)
- 4.13 Ni a tendelana naa na muhumbulo wa Coetzee mafhungoni aya? Tikedzani. (3)
- 4.14 Vhudipfi hañu ndi vhufhio kha aya mafhungo? (2)
- 4.15 Ni a pfela vhutungu De Wit kha zwine ha pfi u khou zwi ita naa?
Tikedzani. (2)
[35]

THANGANYELO YA KHETHEKANYO YA B: 35

KHETHEKANYO YA C: NGANEAPFUFHI

ZWA VHUTSHILO – NA Milubi na LL Mafenya

Fhindulani mbudziso NTHIHI kha idzo dzi re afho fhasi.

MBUDZISO 5 (Mbudziso ndapfu)

Vhulapfu ha phindulo ya mbudziso ndapfu kha vhu vhe maipfi a u bva kha **250** u ya kha **300**.

NDIA PUTEDZA HA ITEA DEMBE

Talutshedzani uri muñwali o kona u gumafhi u bvisela khagala puloto ya nganeapfufhi iyi.

[35]

MBUDZISO 6 (Mbudziso pfufhi)

RINGA KUNDA

Vhalani mafhundo a re afho fhasi uri ni kone u fhindula mbudziso dzi a tevhelaho:

Khevha Vho-Tshikhudo nga ḫuvha li tevhelaho afha mudini wa Vho-Kwindā. Vho delā ene Azwifarwi hafhu. Mashudu vha wana a tshi di vha hone hafha hayani. U khou di sokou ñwala-ñwala idzo bugu dzawe. "Hai khotsimunene ndo vha ndo no tshuwa uri a thi nga mu wani lini. Ndo ita mashudu nga maanda. Ndi ri kani zwila zwe nda mu vhona vhege yo fhiraho a tshi ri o pfeledza tshikoropo zwo mbo di ita." Vho-Tshikudo vha khou ralo vha tshi khaðana na ene Azwifarwi.

"Vhone, nne ndo ḫovhowa," o ralo Azwifarwi a tshi khou vha netshedza tshidulo. Ndi vho sokou vuwa ndi tshi ñwala-ñwala dzibugu nga hone u borea. Hezwila zwa tshikoropo a zwo ngo vhuya zwa ita. Mathina hezwila ndi tshi khou ya ho vha ho no di dzhena muthu. Hone vha vuwa hani muhulwane wanga?"

"Rine a ri ambi murathu. Ri sokou vhona zwenezwo zwa vhana vha no sokou mona-mona vha sa wani mishumo. Habe inwi zwino ndi ñwaha wa vhungana no sokou dzula ni sa shumi?"

"Ndi ñwaha wa vhuraru. Ndo mona na shango heli lothe nazwino a hu na muvhundu une ndi si u divhe. Vha divhe u khou mona ñga ifhio tshelede? Muvhuso ngoho a u fulufshedzei. Zwino vha khou la rine vhe ra vha khetha vho ri hangwa."

Vho ri u pfa a tshi ralo Vho-Tshikhuđo vha pfa vho tou takala. Zwi tou nga fhungo lavho li do swikisea zwavhuđi. Vhukuma vho tendelana nae uri muvhuso a hu na zwine wa khou ita. Zwi hulu ngauri wo hangwa vhathu vhe vha u dzhenisa.

"Ni a divha Azwifarwi, havha vhanna vho vha vho tea heli vundu lashu vha tshi khou li londesa. Ni divhe vho winela kule nga maanda, 97%. Zwino hezwo zwithu vho no tou zwi hangwa. Nne fhedzi ndi vhona unga na riñe ro zwi khakha."

- 6.1 Bulani tshifani tsha Azwifarwi. (1)
- 6.2 Bulani dzina la mushumo we Azwifarwi a vha o gudela won. (1)
- 6.3 Nwalani mutevhe wa madzina MARARU a madzangano o bulwaho kha nganeapfufhi iyi. (3)
- 6.4 Bulani dzina la muñwaleli wa Azwifarwi. (1)
- 6.5 Bulani tshifani tsha Vho-Tshikhuđo. (1)
- 6.6 Vhambedzani Vho-Tshikhuđo na Joshua, ni sumbedze hune vha fana hone. (4)
- 6.7 Ndi ngani ho vha na vhathu vhanzhi vhe vha diñwalisa kha dzangano la Vho-Tshikhuđo? (1)
- 6.8 Nweledzani muhumbulo muhulwane we wa ita uri Vho-Tshikhuđo vha thome dzangano. (2)
- 6.9 Zwo tutuwedzaho Azwifarwi u diñwalisa kha dzangano la polotiki ndi zwifhio? (2)
- 6.10 Ndi zwifhio zwe Azwifarwi a ita musi a tshi tanganedza Vho-Tshikhuđo mudini wawe zwi sumbedzaho uri u a funa vhaeni? Bulani ZWIVHILI. (2)
- 6.11 Ndi zwifhio zwi sumbedzaho uri Vho-Tshikhuđo vho pfesesiwa kha uyu mutangano wa zwa polotiki? (2)
- 6.12 Mbudziso dzi tevhelaho dzi fhinduleni nga u ri ***Ndi zwone*** kana ***A si zwone***, ni dovhe ni tikedze phindulo yanu:
 - 6.12.1 Vho-Tshikhuđo vho wana Azwifarwi o ya tshikoroponi. (2)
 - 6.12.2 Azwifarwi o vha o no fhedza miñwaha miñanu a tshi khou toda mushumo a sa u wani. (2)
 - 6.12.3 Muñangano a wo ngo vulwa nga thabelo? (2)

- 6.13 Nga ndila ine Vho-Tshikhudo vha khou kakarika ngayo kha u thoma ili dzangano, ni vha vhona vhe muthu-de? (2)
- 6.14 Nga kuvhonele kwañu, ni vhona zwo vha zwo tea na uri Azwifarwi a vhe murado wa dzangano la Vho-Tshikhudo? (2)
- 6.15 Arali ni Vho-Tshikhudo, no pandelwa kha lihoro livhusi, no vha ni tshi nga ita mini? (2)
- 6.16 Zwe Vho-Tshikhudo vha fulufhedzisa vhatu muñanganoni zwi a tendisea naa? Tikedzani phindulo yanu. (3)
[35]

THANGANYELO YA KHETHEKANYO YA C: 35

KHETHEKANYO YA D: VHURENDI

MBUDZISO 7 (Mbudziso pfufhi)

Vhalani tshirendo tshi tevhelaho uri ni do kona u fhindula mbudziso dzo disendekaho khatsho:

Vha songo nala – TZ Ramaliba

- 1 Naho duvha li tshi otsha nama
- 2 Madumbu a tshi tita lwa u tita
- 3 Mibvumbi ya shanduka zhalapanaiwa;
- 4 Ndi zwa vhutshilo vha songo neta.

- 5 Vhutshilo ndi tsimu vhu mela tshene
- 6 Muthu ndi muthu u farwa nga mphigela
- 7 La kovhela li kha thoho zwa nga zwiñwe-vho;
- 8 Naho zwe vhifha lwa u vhifha, vha songo nala.

- 9 Naho zwa kombama lwa u kombama;
- 10 Wa shengedzwa nga vhashaya khathutshelo
- 11 Naho vha tuwa nga fumi mutani;
- 12 Zwothe ndi zwa vhutshilo vha songo neta.

- 13 Vhathu ndi vha dzinndwa;
- 14 Vhanwe ndi vha u talana;
- 15 Vhanwe vha a tswela;
- 16 Zwothe ndi zwa vhutshilo vha songo neta.

- 17 U kundwa ndi ha vhathu;
- 18 U shengela hu da vhathuni;
- 19 Naho dakalo li songo balelwia iwe
- 20 Zwothe ndi zwa vhutshilo kondelela.

- 21 U kondelela hu disa dakalo;
- 22 U kondelela hu disa zwivhuya
- 23 U bva biko hu disa lupfumo;
- 24 A hu netiwi vha songo neta.

- 25 Naho vhavhi vha vha vutshela
- 26 Naho dumbu la vha khakhedza;
- 27 Naho mitumba i tshi vha wela
- 28 Kha vha dzikise mbilu yavho vha songo neta.

- 7.1 Bulani zwithu ZWIVHILI zwine zwa diswa nga u kondelela. (2)
- 7.2 Kha ndima ya vhuṇa, riwalani mutesvhe wa zwithu zwine zwi si tee u netisa muthu naho zwi tshi khou bvelela vhutshiloni. Bulani ZWIRARU. (3)
- 7.3 Topolani mutualadzi u sumbahuri zwi a itea vhathu vha lovha nga vhunzhi mutani. (1)
- 7.4 Neani pfanapheledzo ya tshiṭanza tsha 5. (1)
- 7.5 Talutshedzani muhumbulo muhulwane wa tshirendo itsi. (2)
- 7.6 Vhudipfi ha murendi ndi vhufhio? (1½)
- 7.7 Fhindulani mbudziso dzi tevhelaho nga u ri ***Ndi zwone*** kana ***A si zwone*** ni dovhе ni tikedze:
- 7.7.1 Vhathu a vho ngo tea u shengela. (2)
- 7.7.2 Vhulwadze vhu fara muthu muñwe na muñwe ane a khou tshila shangoni. (2)
- 7.8 Neani ṭhalutshedzo ya mutualadzi wa 23. (1)
- 7.9 Kha mutualadzi wa 5 murendi o shumisa limetafore. Sumbedzani uri u ḫodou ri vhudza mini nga figara hei ya muambo. (2)
[17½]

MBUDZISO 8 (Mbudziso pfufhi)

Vhalani tshirendo tshi tevhelaho uri ni ḫo kona u fhindula mbudziso dzo disendekaho khatsho:

Ro ṭangana – AC Bvumbi

- 1 Nñe na inwi
- 2 Ro ṭangana ndi songo humbula
- 3 Mbilu dzashu dza ṭangana
- 4 Dza vha mbilu nthihi
- 5 Ra humbula mazha
- 6 Dzo vhoxwa nga lufuno
- 7 Ra hotola rothe.

8	Lwendoni ri tshimbila ro hakana
9	Ri tshi posa maga khathihi
10	Ri tshi swika murunzini ra awela ro ^{the}
11	Ri tshi takuwa ra takuwa ro ^{the}
12	Hu si na luriwe lunako lu nkambaho.
13	Nda farwa nga ndala ni a ntikela khali
14	Nda farwa nga dora ni nkela mad ⁱ
15	Nda farwa nga duda ni a nkota
16	Nda dzhenwa nga mbiti ni a nkhuthadza
17	Wanga maya wo fhola.
18	Ri la ndilo nthihi
19	Ri kuvhatedzana nguvho nthihi
20	Ri amba nga ipfi lithihi
21	Ra thathedza vhavilinganyi
22	Vhokhut ^{he} vha re zwifheti.

- 8.1 Neani mutevhe wa zwithu ZWINA zwine zwa itelwa mufunwa zwi wanalaho kha tshitanza tsha 3. Shumisani maipfi anu. (4)
- 8.2 Kha ndima ya u thoma hu na zwithu ZWIVHILI zwine avha vhafunani vha ita khathihi. Zwi buleni nga maipfi anu. (2)
- 8.3 Neani pfanapheledzo ya tshitanza tsha 4. (1)
- 8.4 Talutshedzani muhumbulo muhulwane wa tshirendo itshi. (2)
- 8.5 Vhudipfi ha murendi ndi vhufhio tshirendoni itshi. (1½)
- 8.6 Fhindulani mbudziso dzi tevhelaho nga *u ri Ndi zwone* kana *A si zwone*, ni dovhe ni tikedze:
- 8.6.1 Vhafunani avha vho vha tshi tenda u vilinganywa nga vhokhut^{he}. (2)
 - 8.6.2 Vhafunani avha vho vha tshi la vhot^{he}. (2)
- 8.7 Neani thalutshedzo ya mutualadzi wa 20. (2)
- 8.8 Kha ndima ya u thoma topolani mutualadzi u sumbedzaho uri vhafunani avha vho funana vha songo zwi humbula. (1)
 [17½]

MBUDZISO 9 (Mbudziso pfufhi)

Vhalani tshirendo tshi tevhelaho uri ni do kona u fhindula mbudziso dzo disendekaho khatsho:

Ho n̄engiwa: 17 Lamabamai 1988 – WMR Sigwaghulimu

- 1 Madida mbilu, madida mbilu
- 2 Muri wa murunzi wo sikuwa
- 3 Venda lo alāwa nga gole l̄itswu
- 4 Duvha lo kovhela hu masiari.

- 5 Ri vhidzelela nnyi wee,
- 6 Ri pfiwa nga nnyi wee
- 7 Kha vhūtungu vhungafha
- 8 Ho tsikaho shango la Venda.

- 9 Inwi zwīn̄oni ni fhufhafhufhaho
- 10 Inwi miri na dzithavha
- 11 Na inwi milambo ni elelaho
- 12 No vhona mini, no pfa mini.
- 13 Ni a zwī divha naa zwo waho
- 14 A no ngo zwī pfa naa zwa u xa ha mativha
- 15 Yawee, ro tangulwa
- 16 Khosi muphuresidennde Vho PR Mphephu vho dzama.
- 17 Iwe duvha u n̄engeledzaho u tshi bva vhubvāduvha.
- 18 Wo vha u hone muhali washu a tshi bva
- 19 Nazwino u hone wo mu vhona a tshi kovhela
- 20 A suvhela maswiswini a vhuhwi.

- 21 Zwa Mudzimu a zwi fhedzwi nga muthu
- 22 Ndi thai i si na mubuli
- 23 Lufu ndi lamidza la ndozwo
- 24 Li godimisa vhahali na magoswi.

- 25 Ri na afhio maano?
- 26 Vhūtali hashu ndi vhufhio?
- 27 Dzin Zambo dzashu dzi ngafhi?
- 28 Ri fhufhe nzarara ri pfuke mulavhu

- 29 Kha ri rudze mbilu ri zwi tanganedze
- 30 Muhali vho ya vhuaweloni ha mirafho
- 31 Zwe vha shuma vho shuma
- 32 Ndi lone ifa lashu.

- 9.1 Bulani dzina ḥa khosi yo dzamaho. (1)
- 9.2 Vhuimo ha khosi iyo ho vha vhu hani kha lushaka lwa Vhavenđa? Bulani VHUVHILI. (2)
- 9.3 Bulani zwithu ZWIVHILI zwa mupo zwine murendi a lavhelela uri zwi fanela u ḫivha nga ha lufu ulu. (2)
- 9.4 Topolani mutualadzi u sumbahō uri mufu vho sia vho shumela shango ḥavho. (1)
- 9.5 Neani pfanapheledzo ya tshiṭanza tsha 2. (1)
- 9.6 Ḥalutshedzani muhumbulo muhulwane wa tshirendo itshi. (2)
- 9.7 Vhudipfi ha murendi ndi vhufhio tshirendoni itshi. (1½)
- 9.8 Fhindulani mbudziso dzi tevhelaho nga *u ri Ndi zwone* kana *A si zwone*, ni dovhe ni tikedze:
- 9.8.1 Lufu lu ḫela magoswi fhedzi. (2)
- 9.8.2 Vhathu ri tea u ḫanganedza lufu. (2)
- 9.9 Ḥalutshedzani zwine mutualadzi wa 2 wa amba zwone. (2)
- 9.10 Ndi zwifhio zwine murendi a khou ḫodou zwi bvisela khagala nga mutualadzi wa 18. (1)
[17½]

MBUDZISO 10 (Mbudziso pfufhi)

Vhalani tshirendo tshi tevhelaho uri ni ḫo kona u fhindula mbudziso dzo disendekaho khatsho:

A ḫodaho munamba ndi nnyi? – TT Mudau

- 1 A todaho munamba ndi nnyi?
- 2 N̄duhu na tshikoli muli wazwo ufhi?
- 3 Dzi lilaho u ruthutha mipale iyi
- 4 Dzi none nga manona a shango
- 5 Dikandenī khāno khei, dikandenī nandi
- 6 Ni pfe mutoli wā mbofholowo ni gana!
- 7 Ni vhumbuluwe kha "king bed" ni khosi.

8 Ilani, inwani ni khane sa ñamana
 9 Ni si hangwe gwala la mbofholowo,
 10 Ni si livhale miłodzi ya mulovha.
 11 Dikandeni ni kha miłodzi ya tshililo
 12 Ni lilele u pwashékanywa ha mbondo
 13 Dza tshiłalula, tshandanguvhoni na tshikhuna.

- 10.1 Bulani tshiñwe tsha zwiliwa zwine murendi a ri a zwi na muli. (1)
- 10.2 Nwalani mutevhe wa zwithu two fheliswaho zwe zwa vha zwi tshi tambudza vhathu musi vha sa athu wana mbofholowo. Bulani ZWIVHILI. (2)
- 10.3 Bulani zwine murendi a khou tutuwedza vhathu uri vha diphine ngazwo. (1)
- 10.4 Topolani mutualadzi u re na ndovholo ya ipfi. (1)
- 10.5 U ya nga ha murendi, hu na zwithu zwine vhathu vha nga diphina ngazwo musi vho wana mbofholowo. Inwi bulani ZWIVHILI. (2)
- 10.6 Talutshedzani muhumbulo muhulwane wa tshirendo itshi. (2)
- 10.7 Vhudipfi ha murendi uyu ndi vhufhio? (1½)
- 10.8 Fhindulani mbudziso dzi tevhelaho nga u ri ***Ndi zwone*** kana ***A si zwone***, ni dovhe ni tikedze:
- 10.8.1 Vhathu a vho ngo tea u hangwa thambulo ya musi vha sa athu u wana mbofholowo. (2)
- 10.8.2 Shango lashu a li na lupfumo lune vhathu vha nga diphina ngalwo. (2)
- 10.9 Talutshedzani zwine mutualadzi wa 10 wa amba zwone. (1)
- 10.10 Mutualadzi 8 wo shumisa lifanyisi, sumbedzani uri murendi u todou ri vhudza mini nga mbampedzo heyi. (2)
[17½]

**THANGANYELO YA KHETHEKANYO YA D:
MARAGAGUTE:**

35
70